

Sèn Jan/San Giovanni di Fassa, ai 4 de november del 2024

COMUNICAT STAMPA

La Majon di Fascegn chiama ite la Gran Radunanza.

L'Istitut Cultural Ladin se endreza a l'Assemblea generèla per portèr dant i resultat de l'atività e per anunzièr sie 50eisem cedean.

En vender ai 22 de november, da les 5 domarena, te la Gran Ciasa a Soraga, sarà la Gran Radunanza de la Majon di Fascegn. N moment de bilanz ma ence de programazion che chest ent, volù dai ladins per stravardèr e portèr inant sia identità, à l doer ma ence l besegn de **spartir con sia comunanza**. Na comunanza che semper de più te chisc ultimes egn se à fat sentir e la ge é stata apede a sia majon, che del **2025** la zelebrarà l **50eisem cedean**.

Sarà n apuntament emportant per portèr dant la sacotanta ativitàdes del Istitut, del Museo e de la Biblioteca e olache, tres n percors gustegol e desvalif compagnà dai dependents del ent, la jent podarà cognoscer la ativitàdes e dir la sia, portan dant consees, pensieres, idees e, perché pa no, ence critiches costrutives. Filmac, postazions de lurier da proèr e veder per entener che che sozede tedò la coltrines del Tobià de Pieif e te Museo che, enceben che l reste sarà per lurieres per la sajon da d'invern, no l lasciarà su de sporjer sia ativitàdes didatiches e de endrezèr neva scomenzadives.

Te la Gran Radunanza vegnarà portà dant ence la pruma idees per i festejaments di 50 egn del Istitut; n bel travert caraterisà da enrescida, gaissa e condivijion per stravardèr e didèr viver e crescer l'identità, la cultura, l lengaz e la tradizions ladines.

Chest travert cognessa esser dassen spezièl e condividù con duc chi che a volù l Istitut, con chi che à lurà e colaborà, co la jent de Fascia e ence co la jent che vegn da foradecà o che da foradecà a sostegnù chesta istituzion. **Dai 4 ai 15 de november** se podarà empieir ite n formulèr [Google moduls](#) olache ge vegn domanà a la jent de palesèr e de manèr ite idees e conscidrazions sun coche ge saessa bel che l cedean vegne recordà e festejà. L formulèr sarà dat fora sui canai social Facebook e Instagram de la Majon di Fascegn, metù sul sit istituzionèl del ent www.istladin.net, e l sarà ence a la leta sun papier te senta del Istitut. Enc publics o sogec privac, scoles e scolines, istituzions, sociazions, families, ghesć, artisć, artejegn boteghieres, operadores turistics, giaves, joegn e chi à gust e gaissa podarà dir la sia e scriver ite.

l resultat de chesta scomezadiva vegnarà descorec fora endèna la Gran Radunanza olache ensema sarà metù ju l program di festejaments del 50eisem.

Ve speton donca de n muie e ve envion a manèr ite voscia idees per ge fèr festa al Istitut, ajache la Majon di Fascegn l é ence tia majon!

La Gran Ciasa
Piaz Bepo Roch, 1
Soraga (TN)

Sèn Jan/San Giovanni di Fassa, 4 novembre 2024

COMUNICATO STAMPA

La Majon di Fascegn convoca la Grande Radunanza.

L'Istituto Culturale Ladino si prepara all' Assemblea generale per presentare i risultati delle attività e per annunciare il suo cinquantesimo anniversario.

Venerdì 22 novembre, dalle 17.00, presso la Gran Ciasa di Soraga, si terrà la *Gran Radunanza* della Majon di Fascegn. Un momento di bilancio ma anche di programmazione che questo ente, voluto dai ladini per consolidare e portare avanti la propria identità, sente il dovere ma anche il bisogno di **condividere con la propria comunità**. Una comunità che, soprattutto in questi ultimi anni, è stata vicina alla sua casa (*majon* in ladino appunto) che nel **2025** celebrerà il **cinquantesimo anniversario**.

Sarà un appuntamento importante per presentare le numerose attività dell'Istituto, del Museo e della Biblioteca e dove, attraverso un percorso interessante e valorizzante accompagnato dai dipendenti dell'ente, le persone potranno conoscere le attività e dire la propria, portando idee, pensieri, proposte e, perché no, anche critiche costruttive. Filmati, postazioni di laboratori per provare, osservare e capire cosa accade dietro le quinte del Toblà de Pieif e nel Museo, che, anche se chiuso per lavori nella stagione invernale, continuerà a proporre le sue attività e a offrire nuove iniziative.

Durante l'Assemblea saranno anche presentate le prime idee per le celebrazioni del cinquantesimo anniversario dell'Istituto; un bel percorso caratterizzato da crescita, gioia e condivisione per consolidare e valorizzare l'identità, la cultura, la lingua e le tradizioni ladine.

Questo traguardo vuole essere festeggiato in modo speciale e condiviso con tutti coloro che hanno voluto l'Istituto, con chi ha lavorato e collaborato, con la gente della Val di Fassa e anche con coloro che da fuori valle hanno sostenuto questa istituzione. **Dal 4 al 15 novembre** sarà possibile compilare un [modulo Google](#) in cui si chiede alla comunità di esprimere e condividere idee e riflessioni su come dovrebbe essere ricordato e festeggiato l'anniversario. Il modulo sarà pubblicato sui canali social Facebook e Instagram della Majon di Fascegn, inserito nel sito istituzionale dell'ente www.istladin.net e sarà disponibile anche in forma cartacea presso la sede dell'Istituto. Enti pubblici o privati, scuole e scuole dell'infanzia, istituzioni, associazioni, famiglie, artisti, artigiani, operatori turistici, giovani e meno giovani che abbiano interesse e voglia di partecipare potranno esprimere il proprio parere e lasciare un pensiero.

I risultati di questa iniziativa saranno presentati durante l'Assemblea, dove insieme verrà definito il programma delle celebrazioni del cinquantesimo anniversario.

Vi aspettiamo numerosi e vi invitiamo a lasciare le vostre idee per celebrare l'Istituto, perché la *Majon di Fascegn* è anche la vostra casa!

La Gran Ciasa
Piaz Bepo Roch, 1
Soraga (TN)

SR/sr